

海城縣誌
(民國)
二

卷四

人物志

人羣之進化隨一代文治之潮流爲轉移故漢上游女免置武夫往古化洽周南譜爲歌咏而周召分司皤然壽耆讀書想見其入海邑清初定鼎聲明文物近接陪都教化所被者早三百年來通德之門履道之里巍科膺仕節義文章往往而在兩間扶輿之氣磅礴鬱積必有所鍾而亦曩昔之功德浸淫漸漬如是之遠也月旦誰操風流未沫夫於是有山榛隱苓之慕矣因以志人物

人物上

名宦

東漢

祭彤 字次孫潁州人建武十七年拜遼東太守時鮮卑烏桓數入寇彤厲兵馬廣斥候寇到屢破走之二十一年秋鮮卑萬餘騎復寇遼東彤自披甲陷陣斬首三千餘級鮮卑震懼不敢復窺塞彤乃離其黨與撫以恩信威聲揚於北方西至武威東盡元菟樂浪皆內附因罷緣邊屯兵彤在遼幾三十年衣無兼副及卒鮮卑烏桓每朝京師過塚拜謁號泣乃去遼東吏民爲立祠祀之

蔡諷 安帝時人始拜遼東太守元初五年高句麗王宮與濊貊寇元菟攻華麗城諷與元菟太守姚光擊破之夏高句麗復與鮮卑入寇遼東音（今縣境）諷追擊於新昌（亦縣境）

每成

系

志

卷四

人物

名宦

一一

戰歿功曹耿耗兵曹掾龍瑞兵馬掾公孫嗣俱歿於陣

陳禪 字紀山巴郡漢安人安帝永寧元年轉元菟侯城障尉拜遼東太守時邊人畏其威強北寇入邊禪不加兵但使吏卒往曉諭之單于隨使還郡禪於學興禮爲說道義以感化之懷服而去

公孫域 桓帝時爲元菟太守永康元年扶餘王夫台將二萬餘人寇元菟域擊破之喜平三年扶餘遂奉章貢

耿臨 靈帝建寧元年遼西邸力居遼東蘇僕延右北平烏延皆恃衆爲亂僭號稱王臨爲元菟太守討降之先是高句麗王宮數寇遼東宮死子伯固立犯遼東西安平建寧二年爲臨所敗伯固降服遼東西乃寧

公孫度 字濟升遼東人初爲元菟令舉有道累官至遼東太守漢末中原鼎沸度東伐高

麗西擊烏桓越海取東萊諸縣威行海外自號平州牧養士愛民逃亡者多歸之

三國魏

母邱儉 字仲恭河東聞喜人青龍中加度遼將軍討公孫淵定遼東以功封安邑侯正始中高勾麗王宮叛儉督步騎萬人出元菴與宮大戰沸流水連破之滅其城宮携妻子遠竄初勾麗沛者名得來數諫宮不從歎曰立見此地將生蓬蒿遂不食死舉國賢之儉令諸軍不得壞其墓伐其樹並釋其妻子令贍養得所遼人悅服

王頌 字孔碩東萊人官元菴太守正始中母邱儉復征高勾麗其王宮遂奔買溝儉遣頌追宮過沃沮千有餘里至肅慎氏南界刻石紀功刊丸都山銘不耐城穿山灌漑民賴其利

晉

高詡 遼東人善天文有權略永嘉之亂避地隱居建武間慕容廆收攬豪傑詡杖策見之

曰霸王之資非義不濟今晉室雖微人心猶附宜遣使江東示有所尊廐即遣長史王濟浮海詣建康勸進後廐承制以詔爲郎中令及甄嗣進詔元菟太守甄謀伐宇文逸豆歸詔曰必克但不利於將及進戰克之詔中流矢卒

前燕

劉佩 河間人爲元菟太守咸康四年趙石虎攻慕容皝欲奔慕容興根諫而止佩曰今強寇在外衆心洶懼臣請出擊之縱無大捷足以安衆乃將敢死數百騎出衝趙軍所向披靡於是士氣百倍慕容興根等遂敗趙兵境內以安

慕容農 廐之裔孫初高勾麗寇遼東司馬郝景率衆救之爲所敗遼東元菟遂沒農進伐高勾麗克之復遼東元菟二郡及慕容垂立國封農爲遼西王在龍城五年庶政修舉後召還以慕容隆代之隆因農舊規修而廣之遼左遂安

隋

來護兒 字崇善江都人以平壤道行軍總管率樓船指滄海入自涓水去平壤六十里與高麗遇進擊大破之追奔至城下毀其郭會宇文述兵敗乃旋大業十年又率師渡海至卑奢城(即今縣城)高麗舉國迎戰護兒擊破之高麗震懼詣城下請降帝許之遂旋師

唐

李勣 字懋功離狐人貞觀十七年以勣爲遼東道行軍大總管率十六總管兵以伐高麗十九年勣趨遼東自通定濟遼水拔蓋牟遼東白巖等城從戰駐蹕山功最多二十一年復與牛進達伐高麗勣克南蘇木底進達克石城乾封初仍充遼東道行臺大總管擊高麗下十七城總章元年拔扶餘南蘇木底蒼岩城進圍平壤執高藏男建等分其地州縣之

李道宗 字承範太祖曾孫貞觀中太宗征高麗以道宗爲遼東道副大總管請將百騎先

覘形勢直入遼東城南相度險易高麗兵斷其後更走間道而歸詔與李勣爲前鋒拔蓋牟城會救至道宗所將纔四千虜十倍軍中議保險以須道宗曰吾屬爲前軍當清道迎乘輿尙何待遂選壯騎數十突入賊營左右出入勦合擊大破之

薛仁貴 絳州龍門人名禮以字行躬耕時將改葬其先人妻柳氏曰天子自征遼東求猛

將君盍圖功名以自顯富貴還鄉葬未晚也仁貴乃應募至安邑會郎將劉君弼被圍仁貴馳救斬賊繫馬鞍由是知名王師攻安市（海城南八十里）高麗率衆拒戰仁貴白衣持戟鍵兩弓呼而馳所向披靡帝遣使馳問白衣者誰曰薛仁貴帝召見喜得彪將授游擊將軍顯慶三年詔副程名振伐高麗破之於貴端城乾封初援泉男生大破高麗進拔扶餘威鎮遼海高麗平進檢校安東都護封平陽郡公移治新城撫孤存老檢制盜賊隨材任職褒崇節義高麗士衆皆欣然忘亡

張亮 鄭州滎陽人貞觀十七年以洛州都督從征高麗拜平壤道大總管帥舟師渡海襲卑沙城（即今縣城）高麗迎戰亮擊破之城潰時李世勣已攻拔蓋牟城遂會師進攻遼東白岩諸城皆下之

程名振 洛州平恩人破劉黑闥有功拜營州長史封東平郡王從征高麗拜平壤道行軍總管攻卑沙城破獨山鎮永徽六年以營州都督兼東夷都護擊高麗於貴端水焚其新城顯慶三年與仁貴攻拔赤峰鎮破高麗大將豆方婁龍朔三年與蘇定方等復伐高麗敗之封元菟郡公

龐同善 乾封初以遼東道行軍總管援泉男生及高麗戰敗之男生率師來會詔拜同善特進遼東大都督封元菟郡公

金

伯特德哩布 奚五王族也太宗天會初與其父來歸屢立戰功初授濱州（今縣境）刺史廉入優等累遷崇義軍節度使德哩布爲人孝謹爲政簡靜不積財貨嘗曰俸祿已足養廉衣食之外何用蓄積凡調官行李止車一乘臧獲數人而已

移喇溫 蒞任澄州適秋霖水潦暴至城下城幾潰百姓大駭溫督役繕完之身臨不測僚屬止之溫曰爲政無狀致水泛溢爲災守臣之罪當以身爲百姓謝雖死不恨明年又遇旱蝗溫刺指血滴酒中禱而酹之既而雨露足有羣鴉啄蝗且盡人以爲至誠所感

元

史天祥 燕之永清人太祖伐金署天祥都鎮撫平興州趙守玉敗金將達魯進克興中府從穆呼哩平錦州張致又會契丹漢軍擒關肅復利州破尖山香爐紅螺峪山大蟲駱駝團崖諸寨即命天祥統錦州軍拔蓋金蘇復等州遷鎮國上將軍利州節度使所部降民都總

管

烏貢爾 沙卜珠氏狀貌甚偉腰大十圍太祖五年與珠卜諾延克金東京有功九年從穆呼哩取北京先驅下之授北路總管都元帥留撫其人綏懷有方自京以南相繼降附太宗元年與薩里和爾齊征下遼東三年又與沙喇答征高麗下十餘城請和送質帝大悅俾烏貢爾充北京東京廣寧蓋州平州復州開元府七路行兵馬都元帥鎮撫東陞甚著威望

明

徐便 湖廣黃岡人嗜學有武略洪武時以精兵從葉旺扞禦有功陞海州衛指揮僉事復陞遼東都指揮僉事

許達 河南固始人正德進士以東陵知縣平流賊有功陞山東按察司僉事分巡遼海東寧道禮賢愛民聽獄詳明尋陞江西按察司副使宸濠之變不屈死之諡忠節

賈冕 廣寧衛人襲世職指揮尋舉武進士屬都指揮僉事爲中路游擊將軍嘉靖三十八年寇犯遼陽抵海州冕督軍而禦力戰死焉贈都督僉事諡忠壯

傅霖 山西忻州人嘉靖進士任遼海兵備道二年著有循績

翟繡裳 山西聞喜人嘉靖進士任兵部主事條陳邊計多見舉行陞遼海東寧道有撫順守備以白金豹皮行賄即揭正其罪墨吏震悚

魯之申 里貫未詳官前鐸副將天啓五年遇清兵於耀州（海城南六十里）與參將李敬先同戰死

清

王全忠 遼東人順治十年設海城縣以全忠爲縣令時民治初設百廢待興全忠創建衙署開拓城基並修學宮興文教敦風俗勸農桑勞來安集厥功甚著

江浦 浙江嘉興舉人康熙十五年任本邑知縣在大堂東側建庫一間以備儲蓄又教民養蠶繅絲及種旱稻今境內山蠶之利皆浦貽之也

陳王星 字炳文河南洛陽舉人康熙十八年蒞任精申韓之學政尙嚴厲嘗謂治民如樹穀稂莠不去良苗受欺凡境內刁猾剷除不遺餘力在官三載閭邑肅清在縣署儀門西剏修衙神廟託蕭曹以見志

王沛恂 山東諸城舉人康熙四十二年任本邑知縣於城內西北隅建倉一百四十七間儲穀備荒境內田賦吏胥冒徵民苦之沛恂痛除其弊錙銖不濫城北柳河子繆鴻業親歿廬墓三年期滿沛恂詣廬勞之在學宮照壁題忠孝節義四大字以鴻業事注孝字下以示風勵

張士毅 河南祥符縣進士雍正四年任本邑知縣在縣署大門內設監獄又於城中厝石

山南麓捐廉修文廟躬親監視本境文風於斯漸振每月朔望必偕學宮集諸生在明倫堂講演聖諭廣訓又秘訪境內豪猾下鄉乘其不備掩捕之置諸法其發奸摘伏有趙廣漢遺風

強上林 字杏齋湖南人工書法由翰林院庶吉士散館授知縣道光十九年任本邑有吏才發奸摘伏決獄如神刁紳凌轢鄉里偵知悉置諸法遇農懦輿訟質訊時以溫語撫慰曰官思汝輩終歲勞動獲利幾何以細故匍匐公庭吏胥勒索逆旅滯留案未結而產已破矣訟者聞之皆泣下自書聯語云有一刻工夫且勤爾業無十分委屈莫入吾門懸諸堂楹一時傳誦

張鼎鏞 字芷生維揚真州人道光丙午舉人咸豐七年官本縣甫接篆即修整他山書院月試生童兩次拔尤給獎文風因以丕振時有知名士劉克家於縣考前患病鼎鏞爲改期

以待之又某生秋闈中式捷報至值鼎鏞堂訊初罷喜甚曰某生文藝超羣料其必中今果然矣其愛才之誠如此營口時未設官棍匪王顯清孫立金等因爭船脚聚衆械鬪鼎鏞親往彈壓曉以利害皆輸服又有巨匪李本李信等淫凶不法特派心腹偵探知匪匿縣城南大石橋旅邸夜督役往捕黎明抵橋街賊拒捕移時鼎鏞怒橫刀直入衆役隨之悉就擒斬於市匪患遂清

賀堦 字筱泉山東寧海人以謄錄授知縣光緒三年宰吾邑注重文化重修他山書院添築文場講堂聘山長主講規模組織完備惟苦無經費適縣西溫香湖因淤田纏訟堦親往查勘詳准將此田撥歸書院收租以作的欸又抽收佛爺溝繭稅騰鰲堡斗捐籍補不足恐日後假手不肖官紳釐訂規條勒碑以防侵蝕堦性喜儒學然遇強暴則必嚴懲在任三年境內肅然將卸任士民愛戀赴省懇留格於例不行因在縣署牌樓門路東樹德政碑以表